

Na osnovu člana 21. Zakona o mikrokreditnim organizacijama ("Službene novine Federacije BiH", broj 59/06), čl. 5. stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj 75/17) i člana 12. stav (1) tačka d) Statuta Agencije za bankarstvo Federacije Bosne i Hercegovine ("Službene novine Federacije BiH", broj 3/18), Upravni odbor Agencije za bankarstvo Federacije Bosne i Hercegovine, na sjednici održanoj 15.12.2023. godine donosi

ODLUKU
O IZMJENAMA I DOPUNAMA ODLUKE O NADZORU MIKROKREDITNIH
ORGANIZACIJA I POSTUPCIMA AGENCIJE ZA BANKARSTVO FEDERACIJE
BOSNE I HERCEGOVINE

Član 1.

U Odluci o nadzoru mikrokreditnih organizacija i postupcima Agencije za bankarstvo Federacije Bosne i Hercegovine ("Službene novine Federacije BiH", broj 103/18), u članu 3. stav (3), iza riječi: „dijelova“ se umjesto tačke stavlja zarez i dodaju riječi: „te u iznimnim slučajevima u prostorijama Agencije“.

Član 2.

U članu 12. stav (4) iza riječi: „upozorenja“ brišu se riječi: „ili preporuke“, a iza riječi: „upozorenjem“ brišu se riječi: „ili preporukom“.

Član 3.

(1) U članu 14. u naslovu iza riječi: „nadzora“ dodaju se riječi: „i ograničenja u poslovanju“.

(2) U članu 14. iza stava (4) dodaje se novi stav (5) koji glasi:

"(5) U slučaju da MKO četiri izvještajna perioda uzastopno (izvještaji koje MKO dostavlja Agenciji) iskazuje jedan ili više parametara poslovanja koji nisu usklađeni sa standardima definiranim u posebnom propisu Agencije, Agencija može izdati pisani nalog:

- a) da MKO sačini program za usklađivanje poslovanja sa definiranim standardima poslovanja usvojen od strane upravnog ili nadzornog odbora MKO, čiju će realizaciju pratiti Agencija u okviru posrednog i/ili neposrednog nadzora,
- b) da nadležne upravljačke funkcije razriješe člana upravnog/nadzornog odbora ili direktora/izvršnog direktora MKO, te Agenciji predlaže novog kandidata,
- c) druge mjere u cilju usklađivanja poslovanja sa standardima definiranim u posebnom propisu Agencije."

Član 4.

Iza člana 14. dodaje se novi član 14a. koji glasi:

„Član 14a.

Opomena licima ovlaštenim za upravljanje i rukovođenje

- (1) Agencija može, ovisno o tome na koje lice se odnosi izvršenje naloženih mjera, izreći opomenu direktoru i/ili članovima uprave MKO i/ili članovima upravnog/nadzornog odbora MKO, u slučajevima ako MKO ne postupi na način i u rokovima određenim pisanim upozorenjem ili ako ne izvrši naložene nadzorne mjere na način i u rokovima utvrđenim rješenjem Agencije i u drugim slučajevima kada nisu ispunjeni uslovi za oduzimanje saglasnosti za obavljanje funkcije direktora i/ili člana upravnog/nadzornog odbora MKO.

- (2) Opomena iz stava (1) ovog člana izriče se licima iz stava (1) ovog člana, bez obzira na to da li u trenutku izricanja opomene ta lica i dalje obavljaju navedene funkcije u MKO, a najduže u roku od dvije godine od dana nastanka okolnosti zbog kojih se opomena izriče.
- (3) Agencija će u postupku odlučivanja po zahtjevu MKO za izdavanje prethodne saglasnosti za obavljanje funkcije direktora i/ili člana uprave MKO i članova upravnog/nadzornog odbora MKO odbiti izdavanje takve saglasnosti licu kojem je tri ili više puta izrečena opomena iz stava (1) ovog člana, u toku prethodne četiri godine.“.

Član 5.

Ova odluka stupa na snagu osmog dana od dana objavljivanja u "Službenim novinama Federacije BiH".

Broj: U.O.-17-06/23
Sarajevo, 15.12.2023. godine

PREDSJEDNICA
UPRAVNOG ODBORA

Ivanka Galić, dipl.ecc., s.r.